

Glanerbrug, 30 januari 1910

Hier in Glanerbrug valt völ te beleaven. Wiej hebt hier pas nog ne staking had. Op 22 januari lea de fabriek Eilermark, net eaven oaver de greans, helemoal stil.



de restaanten van textielfabriek Eilermark in Glanerbrug

De fabrieksarbeiders wearkt now een half uur korter as eerst; ze begeent now 's moargens um half zeuven töt twaalf uur en dan nog van één töt zes uur en zoaterdags töt vief uur. Mer mien va mut now twintig spinmachines in de gaten hoalden in plaats van viefteen en dan berekkent ze 't loon aans, zodat hee now 10% meender krig.

Mien va verdeent 60 ceant per dag. A'j al zo weinig verdeent ... en dan nog 10% der of! En de arbeiders mut hoge boetes betalen. Kottens kwam der één te laat, twee minuten! Hee har 'n ongeluk had onderweg. Dan vroagt ze nich: "Hoo geet 't now met ow?", mer dan zegt ze: "Der geet nen stuver van ow dagloon of!"

Umdat de wearkleu in 't kettelhoes en bie de stoommachine staken, lea de hele fabriek plat.

's Nachens hebt ze bie teen huzen de roeten kapot smetten en now he'w hier wal acht veldwachters en ok nog nen marechaussee. De bazen van de fabriek hebt doarnoa alle leu ontslagen. Alns met mekaar 107 stakers en 559 wearkwilligen, dat is dus met mekaar 666 man.

En now heb ik mooi vriej! Vandaag is der markt en keerms. Doar kö'j ok völ metmaken. In de café's hangt ze der dan met de benen oet en dreenkt de leu völ te völ, en dan krie'j verschel en stekt ze mekaar an 't mes. Op 't markt hebt ze nen poal en doar hebt ze nen leavendigen gaans an vastbunden. De keerls mut op 'n peerd doar hard langs hen jagen en dan mut ze 'n kop van den gaans

griepen. Wel 't lukt um den gaans 'n kop der of te trekken mag de gaans hoalden. Wat 'n spil, wat 'n spil...!

Mer now goa'k eerst waarm etten: tuffel met ettik. En vandaag, umdat 't keerms is, hangt der an de laamp boaven de toafel nen pekkelherink. Doar mait wiej dan met nen tuffel an de voark langs hen strieken. Dat smaakt heel biezonder!

Goodgoan, Hendrik Glanenbrink

oaver 'n kop hengoan	- failliet gaan
Heldern	- Hellendoorn
Deepn	- Diepenheim
drek	- modder
kroelzaand	- mul zand
'n Noesel	- buurtschap Noetsele (bij Nijverdal)
'n poal	- hier: de grens(paal)
de Pruus	- Duitsland
foezel	- (slechte) jenever
stie	- plaats, plek
klap / kläp(pe)	- klap / klappen (slaag)
keerms	- kermis
verschel	- ruzie
tuffel met ettik	- aardappels met azijn
pekkelherink	- pekelharing